



24. maj 2011.

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

- 1. Appariinni katissimasuni aapparisaq naartunngitsoq, aappariit qitornaannut tunngatillugu sunik pisinnaatitaaffeqarpa, meeraq naartorineqalersimappat ikkussivigitinnikkut?**
- 2. Aappariinni katinnatik uppersaasimasuni aapparisaq naartunngitsoq, aappariit qitornaannut tunngatillugu sunik pisinnaatitaaffeqarpa, meeraq naartorineqalersimappat ikkussivigitinnikkut?**
- 3. Naalakkersuisut pilersaaruteqarpat angajoqqaajoqataasut inatsisitigut inissisimanerisa nukittorsarnissaannut, aappariit imaluunniit katissimasut meerartaarsimappata ikkussivigitinneq atorlugu?**

(Inatsisartuni ilaasortaq Justus Hansen, Demokraatit)

Tunngavilersuut:

Pissutsit assigiinngitsut pissutigalugit naliginnaasumik naartulersinnaanngitsuni aappariinni, aappaasup naartusimannngitsup qitornaminik ikkussinikkut pinngorsimasumik meeravissiaqalersimanninnera pissutaalluni ilisimavarput aappaariinnik ajornartorsiortoqartoq.

Angutip nulia ikkussivitinnermi kingorna naartulerpat taava angut ataatatut aatsaat nalunaarsorneqarsinnaavoq meeraq inooreerpat. Arnap inooqataa arnaq ikkussivitinnermi kingorna naartulerpat aamma aappaasup aapparmi qitornaa aatsaat meeravissiaartaarisinnaavaa meeqqap inunngoreernerata kingorna.

Demokraatinili isumaqarpugut ernumanissamut pissutissaqaartugut angajoqqaanngortut angajoqqaatut pisinnaatitaaffeqalersinnaanngippata meeraq ikkussivigitinnikkut pinngortitaasoq suli inunngortinnagu. Qanoq pisoqassava naartusoq ernitillu toqoriataassagalarpat, kina taava meeqqamut angajoqqaatut oqartussaalissava?

Apeqquq akeqquneqarpoq piffissarititaasut ullut sulliviusut qulit qaangiutsinnagit.